

PAULO TỸ CARTA HAN: TESSALÔNICA TÁ KE AG MỸ CARTA Û

1 ¹Paulo tỹ rá vễ. Isỹ cidade tỹ Tessalônica t'a ke ag mỹ rán hã vễ. Tessalônica tá ãjag tóg Topê vĩ mẽ jé vễnhmãn tĩ. Topê tũ vỹ tỹ ãjag nỹtĩ, ẽg jóg mág ti. Jesus Cristo tũ vỹ tỹ ãjag nỹtĩ gé, ẽg Senhor ti. Sỹ ãjag mỹ vễnh rá jênê vễ. Kỹ Silas vỹ jênêg mũ gé inh mré, Timóteo ke gé. ²Ëg jóg tỹ Topê mỹ sóg to vĩ tĩ, ti tỹ ãjag tar han jé, ti tỹ ãjag krĩ kuprãg jé gé. Ëg Senhor tỹ Jesus Cristo mỹ sóg tag to vĩ tĩ gé.

Cristo tỹ ù tỹ ẽg vóg kónãn mũ ag vóg kónãn ke

³Inh kanhkã!, isỹ kurã kar ki ãjag to Topê mré vĩ vễ, ãjag to sóg ti mỹ vĩ há han tĩ. ãjag jykre tóg inh mỹ sér tĩ. ãjag hã ne tóg ti vĩ to tar tãvĩ nỹtĩ!, kri fi kỹ. Jagnê mré ãjag tóg há tãvĩ nỹtĩ gé, ãjag kar ti. Hã kỹ sóg Topê mỹ vĩ há han tĩ, ãjag to. ⁴Hã kỹ sóg Topê tũ kar ag mỹ ãjag tó tĩ, ẽg vễnhmãn kỹ. “Ti vĩ kri fi to ag tar nỹtĩ, ag tỹ ag vóg kónãn mũ ra,” he sóg tĩ ãjag to. “Ag jagãgtar mũ ra ag tóg ti to tar nỹtĩ,” he sóg tĩ. Isỹ tag tó tóg inh mỹ sér tãvĩ tĩ. ⁵Hã tugrĩn ẽg tóg Topê jykre kuryj ki kanhró nỹtĩ, ãjag tỹ ti tovãnh tũ nĩn kỹ. Kỹ ti tỹ nén han mũ vỹ kugryj kar nỹtĩ, ti tỹ nén tó mũ kar ke gé. Jagtar ãjag tóg mũ, hã ra ãjag tóg ti tovãnh tũ nĩgtĩ. Ti tỹ tỹ ẽg pã'i nĩ ve jé ãjag tóg ke mũ, kanhkã tá krỹg he jé ãjag tóg ke mũ, ti tugnĩn, ha vemnĩ. Hã kỹ ãjag tóg sir ti tugrĩn jagtar mũ sir. ⁶Ha vé, ù tỹ ãjag jagãgtar han mũ ẽn jagãgtar han jé tóg ke mũ gé, vễnh kaja jé, Topê ti. Hã ki ẽg tóg ti jykre kuryj ki kanhrãn mũ sir. Tag to jykren. ⁷Ag jãvo tóg ãjag tar han mũ sir, ãjag jagtar mũ hã ra, kỹ tóg sir ãjag jagãgtar tỹ tũg' he mũ gé sir, ẽg kar mỹ, ẽg Senhor tỹ Jesus Cristo tỹ kanhkã tá kãtĩg kỹ. Kanhkã tãn ag mré tóg kãtĩg ke mũ, kỹ ẽg tóg ti venh mũ sir. ⁸Tỹ tóg pi gru ve kãtĩg ke mũ. Kỹ tóg ù tỹ Topê ki kanhrãn jãvãnh ag vóg kónãn ke mũ sir, vễnh kaja jé, ù tỹ ẽg Senhor tỹ Jesus vĩ sér mranh mũ ẽn ag. ⁹Ag vóg kónãn jé tóg ke mũ, kỹ ag vễsỹrénh vỹ tũ! henh ke tũ nĩ. Ëg Senhor mré ag nỹtĩnh ke tũ nĩ sir. Ti jykre há ẽn venh ke tũ ag nĩ, ti tỹ tỹ pã'i mág pẽ nĩ ẽn ti, ùn mág tãvĩ ẽn. ¹⁰Ã kãtĩg kỹ tóg ag vóg ag vóg kónãn ke mũ. Kỹ tóg vãhã ã tũ ag tỹ ùn mág han ke mũ sir. Kỹ vễnh kar tóg ẽg tugrĩn ti jykre ve kãn ke mũ, ẽg tỹ

ti ki ge kÿ nÿtĩn kÿ. Ājag hã tóg inh vĩ kri fi, sÿ ājag mÿ ti vĩ tón kÿ. Hã kÿ ājag tóg kurã ěn venh ke mũ. ¹¹Hã jé sóg ājag to Topẽ mré vĩ tĩ, kurã kar ki. Ti mÿ sóg: “ag tar han nĩ,” he tĩ. “Nén ũ há han sór ag tóg mũ, ā ki ge kÿ nÿtĩ ag, ā jykre han sór ag tóg mũ, kÿ ag tar han nĩ, ag tÿ kygnẽg tũ nĩ jé. Ag kuprẽg ā tóg, ag tÿ kurã ěn ve jé, kÿ ag tar han nĩ, ag tÿ kurã ěn tá krÿg jé,” he sóg tĩ (mÿr), Topẽ mÿ. ¹²Ti tÿ ājag kri tÿ ũn mág nĩ jé, hã jé sóg ti mÿ tó mũ. Ti tÿ ěg kri tÿ ũn mág nĩn kÿ tóg ěg tÿ ũn mág han mũ gé. Topẽ tÿ ěg mÿ ā tÿ nén ũ há nĩm ěn hã vẽ, ěg Senhor tÿ Jesus Cristo tÿ ke gé.

Jesus kato tẽ mág mũ ěn tÿ vẽnĥ ke

2 ¹Inh kanhkã, sÿ ājag jyvẽn há tóg tĩ sir. Kãnhmar ti kãtig mũ, ěg Senhor tÿ Jesus Cristo ti, kÿ ěg tóg vẽnĥ mãn mũ, ti tÿ ěg gé(g) tũg jé sir. Kÿ ěg tóg ti mré nÿtĩ. ²Ha ra tóg ver kór gy sĩ tĩ, kuvar gy sĩ ti nĩ ver. Kÿ ũ tÿ ājag mÿ: “Topẽ kuprĩg tóg inh mÿ: ũri ke vẽ, hé,” he mũ ra kri fi tũg nĩ, ājag fe tÿ jürũn ke tũg nĩ. ũ tÿ ājag mÿ: “Paulo vÿ inh mÿ tó, kÿ tóg: ũri ke vẽ, hé,” he mũ ra kri nĩm tũg nĩ gé. ũ tÿ ājag mÿ vẽnĥ rá ven mũ ra, to: “Paulo tÿ rá vẽ mÿr,” he mũ ra kri fi tũg nĩ gé. ³Ag jykre tugnÿm ra, ũ tÿ ājag krĩn kónãn sór mũ ag. ũri ke tũ vẽ ver, ti kãtig ke ti. ũ tÿ hẽn ri ke ag vÿ ti tovãnh ke mũ ver, ti kãtig ke to hã. Ti kato tẽgtẽ jé ag tóg ke mũ ver. Kÿ ũ tóg ver vẽnĥ ven ke mũ gé, hã vÿ: ũ tÿ Topẽ vĩ mranh tĩ ěn, he mũ, ũ tÿ nũgme ki kutẽnĥ ke mũ ěn ti, he mũ. ⁴Ti ve pẽ vẽ, Topẽ vĩ mranh mũ ti, hã kÿ Topẽ vÿ nũgme ki ti fón ke mũ. ěn vÿ tóg Topẽ kato tẽnĥ ke mũ ver, vẽnĥ kãggrá tÿ topẽ kato ke gé. Nén kar to: topẽ, he mũ kar kato tóg tẽnĥ ke mũ ver. “Topẽ kar kãfór vÿ tÿ inh nĩ,” he jé tóg ke mũ. Kÿ tóg vãhã sir Jerusalem tá Topẽ ĩn krẽm rãnh mũ, Topẽ nĩg ja ěn tá tóg nĩnh mũ, kÿ tóg veso: “tÿ sóg Topẽ nĩ,” henh ke mũ, ón kÿ.

⁵Isÿ ājag mré nĩn kÿ sóg ājag mÿ tag tó ja nĩ. Mĩ ěkrén nĩ, sÿ ājag mÿ tó ja ěn ti. ⁶Mĩ ěkrén kÿ ājag tóg ki kanhró nÿtĩ sir, ũ tÿ ver ti ki rĩr mũ ěn ki. Ti kÿ ti ki rĩr nĩn kÿ tóg ver vẽnĥ ven tũ nĩ, ũ tÿ ón kÿ: “tÿ sóg Topẽ nĩ,” he mũ ěn ti. Ti kurã ki tóg vẽnĥ ven ke mũ sir vãhã. ⁷Ūri ũ tÿ hẽn ri ke ag tóg vẽnĥ jykre pãno han mũgtĩ, Topẽ vĩ mranh kÿ. Hã ra ag tóg ver vẽnĥ pigju kÿ han tĩ, kÿ ěg tóg ve hã han tũ nĩ, ag jykre pãno ti. Kÿ ũ tÿ ón kÿ: “tÿ sóg Topẽ nĩ,” he mũ ěn tóg vẽnĥ ven tũ nĩ gé ver. ũ tÿ ti ki rĩr nĩ ěn tóg ver ti ki rĩr mũ, ti vẽnĥ ven tũ nĩ jé ver.

⁸Ti tÿ ti ki rĩr tovãnh kÿ tóg vẽnĥ ven ke mũ sir vãhã, ũn jykre pãno ěn ti. Hã ra ěg Senhor tÿ Jesus vÿ ti tén ke mũ, ā jẽnger tÿ. Kÿ tóg ti tÿ tũ' he mũ sir, ā vẽnĥ ven ti kÿ, Jesus ti. Ā jun kÿ tóg ti tÿ tũ' he mũ. ⁹Hã ra ũn jykre pãno ěn vÿ tóg Satanás jykre han mũ, Nén-Kórég tÿ ti krĩn kÿ. Kÿ tóg ón kÿ vẽnĥ jykre tar hyn han mũ, ěg tÿ nén han vãnh ěn (mÿr). Kujá ag jykre ri ke han jé tóg ke mũ. ¹⁰Vẽnĥ kar lograr he jé tóg ke mũ gé. Jykre kuryj nĩ ve tóg nĩnh mũ, hã ra tóg pãno nÿ. Kÿ ũ tÿ nũgme ki vár ke mũ ag vÿ ti vÿ kri fi kãn ke mũ, ag tÿ Topẽ vĩ kri fig tũ nÿtĩn kÿ. Vẽnĥ vĩ há to ag tóg há tũ nÿtĩ, hã kÿ ag tóg krenkren ke tũ nĩ. Hã kÿ ag tóg ki rom ke mũ sir, nũgmen ki, infernon ki. ¹¹Hã

jé Topě tóg ag mý věnh ó jēnēnh ke mū, ón ký věnh jykre ěn ti, ag tỹ věnh ó ěn kri fi jé, ag tỹ kri nīm sór nýtīn ký. ¹²Topě tỹ ag jykre tugn̄ym ký tóg nūgme ki ag vām ke mū. Vēnh vī há kri fi jāvānh ag tóg nýtī (m̄yr). Vēnh jykre pāno há to ag tóg hā tāvī nýtī (m̄yr), hā ký tóg ag vām ke mū, nūgme ki, Topě ti.

Topě tỹ ěg kuprĕg, ěg krenkren jé

¹³Jāvo sóg ājag to Topě mré vī há han tī, kurā kar ki (m̄yr). Tỹ ājag tóg Jesus mré ke nýtī, ěg Senhor mré ke ag. Ký tóg ājag to há tāvī nī. Topě vỹ ājag kuprĕg, nén kar há(r) ven ki, ājag krenkren jé, nūgme to, inferno to. Ā kuprīg tỹ tóg ājag tỹ ā tū han ja nī. Ājag tỹ tag ve jé ājag tóg ti vī kri fig mū, věnh vī há ěn kri. ¹⁴Isỹ ājag mý Jesus vī tón ký Topě vỹ ājag kuprĕg, ājag tỹ ěg Senhor tỹ Jesus Cristo mré tỹ ūn mág nýtī jé.

¹⁵Inh kanhkā', tar nýtīmñī, sỹ ājag kanhrān to, ājag ký ti króm jé. Isỹ ājag mý Jesus jykre tó mū ěn to tar nýtīmñī, sỹ ājag mý nén rán mū tag to ke gé. ¹⁶Ěg Senhor tỹ Jesus Cristo hā vỹ ěg to há tāvī nī, ěg jóg tỹ Topě ke gé. Ký tóg ěg krī kuprāg mū sir, ěg tỹ to krónh ke tū nīn jé. Ti hā ne tóg ěg mý ā tỹ nén ū há ěn ven ke mū. Hā ve sór ěg tóg mū. ¹⁷Ti mý sóg to vī tī, ti tỹ ājag fe tỹ hā' he jé, ti tỹ ājag tỹ nén ū há han jé, ājag tỹ ki hā kāmén jé ke gé.

Topě tỹ ěg jy nīgān

3 ¹Inh kanhkā', vāhā sóg ājag mý nén ū to vī mū gé. Iso Topě mré vīmñī, ěg Senhor vī tỹ věnh kar kri rúm ke jé, kānhmar (m̄yr), věnh kar tỹ ti vī to há nýtī jé ke gé, ti mý vī há han jé (m̄yr), ag tỹ ājag ri ke nýtī jé. ²Ti mý to vīmñī, ti tỹ ijy nīgān jé, věnh jykre pāno han mū ag jo, ūn jykre pāno ag jo ke gé. Ū ag tóg Jesus ki ge jāvānh nýtī, hā ký ag tóg iso kórég nýtī sir.

³Hā ra ěg Senhor vỹ ā tỹ nén tó ja ěn han ke mū. Ājag tar han jé tóg ke mū. Ājag jy nīgān jé tóg ke mū gé, Japo jo, Nén-Kórég ěn jo. ⁴Ājag h̄yn inh vī han ke mū, ký tóg inh mý há tī. Topě vỹ ājag krīn ke mū, ājag tỹ sỹ ājag mý nén tó mū ěn ki króm jé. Ki króm ājag tóg mū (m̄yr), ký ājag tóg to krónh kenh ke tū nī sir. ⁵Ěg Senhor je ājag krīn, ājag tỹ ti to há nýtī jé, ti tỹ ěg to há ri ke. Ti jé ājag krīn, ājag tar nýtī jé, ājag jagāgtar hā ra. Cristo vỹ ge ja nī gé. Ký ti nón gemñī.

Ěg tỹ věnh rānhrāj to tar nýtīnh ke

⁶Inh kanhkā', vāhā sóg ājag jyvĕn mū gé sir, ājag jyvĕn tar han sóg mū gé. Ěg Senhor tỹ Jesus Cristo jykre tỹ sóg ājag mý tag tó mū, ha mē: Jesus mré ke ū ag tóg vēnhm̄y mē han sór nýtī. Inh vī mranh sór ag nýtī, sỹ ājag mý nén tó ja ěn ti. Ěn mré vī mān tūg nī. ⁷Sỹ ājag mré nīn ký sóg vēnhm̄y mē han ja tū nī. Tag ve ājag (m̄yr), ký ājag tóg inh kóm han ki kanhrān ke mū. ⁸Fagrīnh mý sóg ājag mré rāgró ko ja tū nīḡtī (m̄yr). Kajām ja sóg nīḡtī (m̄yr), sỹ ājag mré nén ko ja ti. Kuty kar ki sóg rānhrāj ja nīḡtī, kurā kar ki ke gé. Ký sóg inh rānhrāj to ron mág ja nīḡtī. Sỹ ājag tū kagrāg tū nī jé, hā jé

sóg rãnrãj mág ja nĩgtĩ. Hã ve ãjag mÿr. ⁹Sÿ ãjag tũ konh ke vë vë, hã ra sóg ãjag tÿ nén han ke mũ ên han sór ja nĩgtĩ ãjag mÿ, ãjag tÿ to ki kanhrãn jé, ãjag tÿ inh kóm han jé sir inh nón. ¹⁰Isÿ ver ãjag mré nin kÿ sóg ãjag mÿ tag tó ja nĩ gé, ha mẽ: “ũn rãnrãj vãnh ên vÿ ne konh ke tũ nĩ,” he ja sóg nĩgtĩ ãjag mÿ. ¹¹Ãjag kãmĩ ù ag nẽji tag han vãnh nÿtĩ. Rãnrãj vãnh ag nẽji nÿtĩ, hã ra ag nẽji vënh kar to vĩ vĩ he tĩ. ¹²Ën jyvën sór sóg nĩ, ãg Senhor tÿ Jesus Cristo jykre tÿ. Ag jyvën tar han jé sóg ke mũ, ha mẽ: “rãnrãj ra, jatun mÿ. ãjag tũ hã ko ra, ãjag rãgró ti. Û jën ko tũg ra,” he sóg mũ sir ãjag mÿ.

¹³Inh kanhkã!, nén ù há tãvĩ han kãn sórmnĩ. To krónh ke tũg nĩ.

¹⁴Hën ri ke mün ù tóg isÿ rá tag kri finh ke tũ nĩ. Ën jykre vég nĩmnĩ, kÿ ti mré vëmén tũg nĩ, ti mÿ'ãg jé sir, ti tÿ to jykrén mãn jé. ¹⁵Hã ra ti kato vãsãn tũg nĩ, ti to kry nĩ tũg nĩ. Jesus mré ke vë mÿr, kÿ ti jyvën nĩ, ti tÿ to jykrén mãn jé.

¹⁶Ha mẽ, ãg Senhor mÿ sóg to vĩ tĩ, ti tÿ ãjag krĩ kuprãg jé, ãjag jagtar hã ra. Ti hã ne tóg ãg krĩ kuprãg tĩ!. Ëg Senhor jé ãjag mré nĩgtĩ.

¹⁷Sÿ vãhã vësóg ki ãjag mÿ rán vë, ù tÿ inh vĩ rán ja pãte, inh hã vÿ Paulo nĩ. Isÿ rán mün hã vë. Ge inh nĩgtĩ, isÿ ù mÿ vënh rá jënên kÿ.

¹⁸Ëg Senhor tÿ Jesus Cristo mÿ sóg to vĩ tĩ, ti tÿ ãjag tar han jé.

Hã vë.